



DEPUTACION PROVINCIAL DA CORUÑA
SERVIZO DE PATRIMONIO E CONTRATACION



Numero 197 /2016

CONVENIO DE COLABORACIÓN ENTRE A EXCMA. DEPUTACIÓN PROVINCIAL DE A CORUÑA E A ASOCIACIÓN EU SON MAZARICOS PARA FINANCIAR O PROXECTO PROGRAMA DE "A ESENCIA MZ".

Na Coruña o 23 de decembro de 2016

REUNIDOS

Dunha parte o Excmo. Señor D. José Luis García García, en representación da Deputación Provincial da Coruña, en virtude da RP 2015/15671, de 27 de xullo, modificadda pola RP 2015/16642, de 30 de xullo, e pola RP 15/29081, de 23 de decembro

Doutra parte Dona Janet Martínez Danis, con DNI núm. 44848926-F, da ASOCIACIÓN EU SON MAZARICOS.

Que a Excma. Deputación provincial da Coruña e ASOCIACIÓN EU SON MAZARICOS consideran de gran interese para a provincia a realización do evento "A esencia MZ" é un proxecto que pretende ensalzar os recursos existentes no ruaral para intentar lograr a dignificación da vida no medio rural a través da posta en volar de toda a controna e do medio e forma de vida.

Que dado o interese coincidente da Deputación da Coruña e da ASOCIACIÓN EU SON MAZARICOS as dúas partes acordan subscribir un convenio conforme ás seguintes

CLÁUSULAS

I.- OBXECTO

O presente convenio ten por obxecto establecer as bases de colaboración entre a Deputación da Coruña e a ASOCIACIÓN EU SON MAZARICOS CIF G70471479, para o financiamento do proxecto Programa de "A esencia MZ".

II.- ORZAMENTO DE GASTOS DA ACTIVIDADE A REALIZAR

ASOCIACIÓN EU SON MAZARICOS levará a cabo as actividades programadas, segundo se definen na cláusula anterior, consonte ao seguinte orzamento:

GASTOS	IMPORTE
ACTIVIDADES:	
TRABALLO AUDIOVISUAL PARA O BLOQUE 3.1: - Reunións de preproducción para redacción de guión e coordinación de todo o bloque..... - Monitor/Animador Sociocultural voluntario da Asociación para organizar a actividade (ubicación, coordinación participantes, decorado, etc)..... - Persoal especializado para facer a gravación e a postproducción para a montaxe final	0,00 € 0,00 € 300,00 €
TRABALLO AUDIOVISUAL PARA O BLOQUE 3.2: - Reunións de preproducción para redacción de guión e coordinación de todo o bloque..... - Monitor/Animador Sociocultural voluntario da Asociación para organizar a actividade (ubicación, coordinación participantes, decorado, etc)..... - Persoal especializado para facer a gravación e a postproducción para a montaxe final	0,00 € 0,00 € 300,00 €
TRABALLO AUDIOVISUAL PARA O BLOQUE 3.3: - Reunións de preproducción para redacción de guión e coordinación de todo o bloque..... - Monitor/Animador Sociocultural voluntario da Asociación para organizar a actividade (ubicación, coordinación participantes, decorado, etc)..... - Persoal especializado para facer a gravación e a postproducción para a montaxe final	0,00 € 0,00 € 300,00 €
TRABALLO AUDIOVISUAL PARA O BLOQUE 3.4: - Reunións de preproducción para redacción de guión e coordinación de todo o bloque..... - Monitor/Animador Sociocultural voluntario da Asociación para organizar a actividade (ubicación, coordinación participantes, decorado, etc)..... - Persoal especializado para facer a gravación e a postproducción para a montaxe final	0,00 € 0,00 € 300,00 €
TRABALLO AUDIOVISUAL PARA O BLOQUE 3.5: - Reunións de preproducción para redacción de guión e coordinación de todo o bloque..... - Monitor/Animador Sociocultural voluntario da Asociación para organizar a actividade (ubicación, coordinación participantes, decorado, etc)..... - Persoal especializado para facer a gravación e a postproducción para a montaxe final	0,00 € 0,00 € 300,00 €
TRABALLO AUDIOVISUAL PARA O BLOQUE 3.6: - Reunións de preproducción para redacción de guión e coordinación de todo o bloque..... - Monitor/Animador Sociocultural voluntario da Asociación para organizar a actividade (ubicación, coordinación participantes, decorado, etc)..... - Persoal especializado para facer a gravación e a postproducción para a montaxe final	0,00 € 0,00 € 300,00 €
TRABALLO AUDIOVISUAL PARA O BLOQUE 3.7: - Reunións de preproducción para redacción de guión e coordinación de todo o bloque..... - Monitor/Animador Sociocultural voluntario da Asociación para organizar a actividade (ubicación, coordinación participantes, decorado, etc)..... - Persoal especializado para facer a gravación e a postproducción para a montaxe final	0,00 € 0,00 € 300,00 €

TRABALLO AUDIOVISUAL PARA O BLOQUE 3.8: • Reunións de preproducción para redacción de guión e coordinación de todo o bloque..... • Monitor/Animador Sociocultural voluntario da Asociación para organizar a actividade (ubicación, coordinación participantes, decorado, etc)..... • Persoal especializado para facer a gravación e a postproducción para a montaxe final	0,00 € 0,00 € 300,00 €
TRABALLO AUDIOVISUAL PARA O BLOQUE 3.9: • Reunións de preproducción para redacción de guión e coordinación de todo o bloque..... • Monitor/Animador Sociocultural voluntario da Asociación para organizar a actividade (ubicación, coordinación participantes, decorado, etc)..... • Persoal especializado para facer a gravación e a postproducción para a montaxe final	0,00 € 0,00 € 300,00 €
TRABALLO AUDIOVISUAL PARA O BLOQUE 3.10: • Reunións de preproducción para redacción de guión e coordinación de todo o bloque..... • Monitor/Animador Sociocultural voluntario da Asociación para organizar a actividade (ubicación, coordinación participantes, decorado, etc)..... • Persoal especializado para facer a gravación e a postproducción para a montaxe final	0,00 € 0,00 € 300,00 €
RECOLLIDA DE INFORMACIÓN E DOCUMENTACIÓN PARA OS CONTIDOS DA WEB, SUBIDA E ACTUALIZACIÓN CONFORME AVANCE O PROXECTO E DEMASI XESTIÓN DE COMMUNITY MANEGEMENT.....	600,00 €
DESEÑO E POSTA EN MARCHA DA PÁXINA WEB (www.eusonmazaricos.gal)+ adquisición do dominio	2.000,00 €
DESEÑO E MAQUETACIÓN DO CONXUNTO DO PROXECTO.	2.600,00 €
PRODUCCIÓN DA GALA MZ: ESCALETADO, GUIONIZADO, PROXECTADO DOS VÍDEOS	
ELABORACIÓN DA CAMPAÑA PROMOCIONAL PARA A REALIZACIÓN DA GALA MZ.	1.000,00 €
DOCUMENTACIÓN AUDIOVISUAL DO BLOQUE 3.1: -Soporte dixital: vídeo promocional, vídeo documental, vídeo sen edición tipo making off y batería de fotografías.....	1.150,00 €
DOCUMENTACIÓN AUDIOVISUAL DO BLOQUE 3.2: -Soporte dixital: vídeo promocional, vídeo documental, vídeo sen edición tipo making off y batería de fotografías.....	1.150,00 €
DOCUMENTACIÓN AUDIOVISUAL DO BLOQUE 3.3: -Soporte dixital: vídeo promocional, vídeo documental, vídeo sen edición tipo making off y batería de fotografías.....	1.150,00 €
DOCUMENTACIÓN AUDIOVISUAL DO BLOQUE 3.4: -Soporte dixital: vídeo promocional, vídeo documental, vídeo sen edición tipo making off y batería de fotografías.....	1.150,00 €
DOCUMENTACIÓN AUDIOVISUAL DO BLOQUE 3.5: -Soporte dixital: vídeo promocional, vídeo documental, vídeo sen edición tipo making off y batería de fotografías.....	1.150,00 €
DOCUMENTACIÓN AUDIOVISUAL DO BLOQUE 3.6: -Soporte dixital: vídeo promocional, vídeo documental, vídeo sen edición tipo making off y batería de fotografías.....	1.150,00 €
DOCUMENTACIÓN AUDIOVISUAL DO BLOQUE 3.7: -Soporte dixital: vídeo promocional, vídeo documental, vídeo sen edición tipo making off y batería de fotografías.....	1.150,00 €
DOCUMENTACIÓN AUDIOVISUAL DO BLOQUE 3.8: -Soporte dixital: vídeo promocional, vídeo documental, vídeo sen edición tipo making off	1.150,00 €

y batería de fotografías.....	
DOCUMENTACIÓN AUDIOVISUAL DO BLOQUE 3.9: -Soporte dixital: vídeo promocional, vídeo documental, vídeo sen edición tipo making off y batería de fotografías.....	1.150,00 €
DOCUMENTACIÓN AUDIOVISUAL DO BLOQUE 3.10: -Soporte dixital: vídeo promocional, vídeo documental, vídeo sen edición tipo making off y batería de fotografías.....	1.150,00 €
TOTAL BASE IMPONIBLE	20.700,00 €
IVE	4.347,00 €
TOTAL PROXECTO IVE INCLUIDO	25.047,00 €

III.- FINANCIAMENTO PROVINCIAL E OUTROS INGRESOS QUE SE OBTENÍAN OU APORTEN PARA A MESMA FINALIDADE

1. A Deputación da Coruña contribuirá ao financiamento da actividade, tal como se define na cláusula primeira, cunha achega máxima **20.037,60 €** o que representa unha porcentaxe de 80% . No caso de que o gasto xustificado non acadase o importe total previsto na cláusula segunda, a Deputación só achegará o importe que represente o 80% % da cantidade efectivamente xustificada. A contía restante, ata acadar o importe total do orzamento da actividade, está financiado con cargo a recursos (proprios ou alleos) acreditando a entidade beneficiaria que ten consignado o crédito adecuado e suficiente para imputar a totalidade do gasto imputable á entidade.
2. Agora ben, se a cantidade xustificada resulta inferior ao 75 por cento do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.
3. O importe do financiamento provincial farase efectivo con cargo á aplicación orzamentaria a 0510/414.2/481 na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.
4. A subvención da Deputación é compatible coa percepción doutras subvencións ou axudas, públicas ou privadas, que a ASOCIACIÓN EU SON MAZARICOS obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.
5. No caso de que a concorrencia de axudas ou subvencións supere o importe do gasto efectivamente xustificado, minorarase a achega provincial no importe necesario para darlle estrito cumprimento ao apartado anterior.

IV.- CONTRATACIÓN E EXECUCIÓN

1. O outorgamento dos contratos de servizos, asistencia ou subministracións necesarios para a execución da actividade corresponderá lle á ASOCIACIÓN EU SON MAZARICOS. Non se poderá contratar a realización de prestacións con persoas o entidades vinculadas á ASOCIACIÓN EU SON MAZARICOS, nin con calquera outra na que concorra algunha das circunstancias ás que se refire o artigo 29.7 da Lei 38/2003, de 17 de novembro, xeral de subvencións.
2. Se o importe dalgunha das prestacións supera 18.000,00 euros, con carácter previo á contratación, a ASOCIACIÓN EU SON MAZARICOS deberá solicitar polo menos tres orzamentos a distintos provedores. Entre as ofertas recibidas, deberase elixir unha delas de acordo con criterios de eficiencia e economía, debendo xustificarse expresamente nunha memoria a elección cando non recaia sobre a oferta máis vantaxosa economicamente.
3. No caso de que a ASOCIACIÓN EU SON MAZARICOS trámite e aprobe algunha modificación do proxecto inicialmente aprobado, así como do contrato adxudicado, deberá remitirle á Deputación un exemplar do proxecto modificado, achegando con el os informes emitidos e a certificación do correspondente acordo.

V.- PUBLICIDADE DO FINANCIAMENTO PROVINCIAL

1. Na publicidade pola que se dea a coñecer a realización das actividades, ben sexa por medios escritos, radiofónicos, audiovisuais ou internet, deberase facer constar sempre o financiamento da Deputación Provincial da Coruña.
2. Coa memoria e conta xustificativa achegaranse os documentos que acrediten o cumprimento desta obriga da ASOCIACIÓN EU SON MAZARICOS

VI.- A XUSTIFICACIÓN NECESARIA PARA RECIBIR A ACHEGA PROVINCIAL

A achega da Deputación seralle aboada á ASOCIACIÓN EU SON MAZARICOS, unha vez que se presente a seguinte documentación:

- Memoria de actuación, subscrita polo representante legal da ASOCIACIÓN EU SON MAZARICOS xustificativa do cumprimento das condicións impostas neste convenio, coa indicación das actividades realizadas e dos resultados obtidos.
- Relación clasificada dos gastos realizados, no que se indiquen os acredores co seu NIF, os documentos xustificativos, os importes e datas de pago. Tamén se indicarán as desviacións con respecto ao orzamento detallado na cláusula SEGUNDA. Con esta relación achegaranse os orixinais ou copias debidamente compulsadas das facturas e demais xustificantes de gasto. No caso de que se presenten copias compulsadas, con carácter previo á compulsa deberá estenderse unha dilixencia sobre o orixinal

na que se deixe constancia de que foi presentada como xustificante de gasto para o cobro dunha subvención outorgada pola Deputación da Coruña.

- Acreditación do cumprimento das obrigas tributarias e coa Seguridade Social, segundo o previsto na cláusula OITAVA.
- Declaración doutras axudas ou subvencións solicitadas ou concedidas para a mesma finalidade.
- Certificación da conta bancaria, segundo o modelo aprobado pola Deputación.
- Proba do cumprimento das obrigas asumidas na cláusula QUINTA, mediante a achega de documentos nos que conste a publicidade do financiamento provincial.
- Certificación da aprobación das facturas e demais documentos xustificativos polo órgano competente.

A Asociación Eu Son Mazaricos deberá acreditar previamente que está ao corrente das súas obrigas tributarias e coa Seguridade Social, de conformidade coa cláusula OITAVA.

VII. TERMO PARA A REALIZACIÓN DA ACTIVIDADE E PRAZO DE XUSTIFICACIÓN

1. As actividades que son obxecto de financiamento provincial, se realizaran entre os días **1 de xaneiro ao 31 de decembro de 2016**.
2. Unha vez rematadas as actividades, o ASOCIACIÓN EU SON MAZARICOS deberá presentar a xustificación documental á que se refire a cláusula SEXTA no prazo de UN MES antes do vencemento do período de vixencia do convenio establecido na cláusula DÉCIMO TERCEIRA.
3. De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a Unidade xestora remitiralle un requirimento á ASOCIACIÓN EU SON MAZARICOS para que a presente no prazo improrrogable de QUINCE DÍAS. A falla de xustificación da subvención neste prazo excepcional dará lugar á perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá ASOCIACIÓN EU SON MAZARICOS da sanción que, de conformidade co disposto na Lei de subvencións e na Base 55.6ª das de execución do Orzamento da Deputación, poida corresponderlle.
4. O aboamento da subvención materializarase mediante ingreso na conta da entidade financeira indicada pola ASOCIACIÓN EU SON MAZARICOS na documentación achegada. E se tiveran transcorrido máis de catro meses desde a axeitada e correcta xustificación dos compromisos adquiridos sen que tivera cobrado o importe que lle corresponda, a ASOCIACIÓN EU SON MAZARICOS terá dereito ao abono dos xuros de mora, ao tipo de xuro legal, que se devenguen desde a finalización do prazo de catro meses ata o momento no que se faga efectivo o pagamento.

VIII.- CUMPRIMENTO DAS OBRIGAS TRIBUTARIAS E COA SEGURIDADE SOCIAL E A SÚA ACREDITACIÓN

1. A ASOCIACIÓN EU SON MAZARICOS deberá estar ao día, con carácter previo á sinatura deste convenio, e logo, con carácter previo ao pago da subvención, no cumprimento das obrigas tributarias coa Administración do Estado, coa comunidade autónoma, coa Deputación Provincial da Coruña, e coa Seguridade Social.
2. A acreditación do cumprimento de ditas obrigas poderá realizarse mediante declaración responsábel expedida autorizada polo órgano competente, mediante a presentación dos correspondentes certificados ou ben autorizando á Deputación a que obteña telemáticamente os correspondentes certificados.
3. A acreditación do cumprimento das obrigas tributarias coa Deputación Provincial determinaraa esta de oficio.

IX.- DESTINO E MANEXO DOS FONDOS RECIBIDOS

1. A ASOCIACIÓN EU SON MAZARICOS destinará os fondos recibidos ao pagamento dos xustificantes de gasto presentados.
2. Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor. Só excepcionalmente se poderá realizar o pago en metálico para gastos de ata 150,00€, nos que non resulte posíbel a utilización dun dos medios anteriormente indicados.
3. Sen prexuízo dos libros e rexistros contábeis que ASOCIACIÓN EU SON MAZARICOS deberá contar polo menos cun rexistro cronolóxico de cobros e pagamentos nos que se inclúan, entre outros, os relativos aos gastos xustificados e aos ingresos declarados con respecto a esta subvención.

X.- CONTROL FINANCEIRO DA DEPUTACIÓN E DOS ÓRGANOS DE CONTROL EXTERNO.

1. Consonte ao disposto nos artigos 44 e seguintes da Lei 38/2003, de 17 de novembro, xeral de subvencións, e nos artigos 41 e seguintes da Lei 9/2007, de 13 de xuño, de Subvencións de Galicia, a ASOCIACIÓN EU SON MAZARICOS poderá ser escollida pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio de colaboración.
2. Asemade, de acordo co previsto na lei 6/1985, de 24 de xuño, do Consello de Contas de Galicia, a ASOCIACIÓN EU SON MAZARICOS queda sometida aos procedementos de fiscalización que leven a cabo o Consello de Contas de Galicia ou, no seu caso, segundo o previs-

to na Lei orgánica 2/1982, de 12 de maio, aos procedementos de enxuciamiento contable que poida incoar o Tribunal de Contas, e a calquera outro órgano de control, nacional ou europeo.

XI.- REINTEGRO, INFRACCIÓN E SANCIÓN.

1. O incumprimento dalgunha das cláusulas previstas no presente convenio de colaboración poderá dar lugar a obriga de reintegro parcial ou total dos fondos recibidos, así como ao pago dos xuros de demora que se devenguen desde o día no que se realizou o pago ata o momento no que se acorde a procedencia do reintegro. O procedemento de reintegro iniciárase de oficio na súa tramitación seguirase o disposto nos artigos 41 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.
2. Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na Base 55ª das de Execución do Orzamento da Deputación.
3. De conformidade co disposto na Base 55.6 das de Execución do Orzamento da Deputación, o atraso na realización das actividades dará lugar a unha sanción dun 10 por 100 do importe da subvención co límite de 75,00 € se o atraso non excede de tres meses. Se o atraso na realización da actividade excede de tres meses, a sanción será dun 20 por 100 da subvención outorgada co límite de 150,00 €.
4. E se o atraso se produce no prazo de xustificación e non excede dun mes, a sanción prevista na Lei imponse no grao mínimo e será do 10 por 100 do importe da subvención outorgada co límite de 75,00 €. Se excede dun mes e non chegase a tres, a sanción imponse no seu grao medio e será do 20 por 100 do importe da subvención outorgada co límite de 400,00 €. E se a extemporaneidade da xustificación excede de tres meses, a sanción imponse no seu grao máximo e suporá o 30 por 100 do importe da subvención, sen que poida superar o importe de 900,00 €.

XII.- INCORPORACIÓN AO REXISTRO PÚBLICO DE SUBVENCIÓNS E PUBLICACIÓN DA SUBVENCIÓN CONCEDIDA.

1. No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación da ASOCIACIÓN EU SON MAZARICOS serán remitidas á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto e co debido respecto á protección dos datos de carácter persoal, segundo o previsto na Lei orgánica 15/1999, de 13 de decembro.
2. Asemade, no cumprimento do disposto no artigo 16.3 da Lei 9/2007, de 13 de xuño, de Subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao Rexistro público de axudas, subvencións e convenios da Comunidade autónoma de Galicia.
3. Segundo o previsto no artigo 18 da Lei 38/2003, de 17 de novembro, Xeral de subvencións, a concesión da subvención á ASOCIACIÓN EU SON MAZARICOS será publicada no Boletín Oficial da Provincia da Coruña e na páxina web dicoruna.es
4. Un exemplar deste convenio, debidamente asinado, será incorporado ao Rexistro de convenios que depende do Servizo de Patrimonio e contratación da Deputación.

XIII.- VIXENCIA DO CONVENIO, PRÓRROGA OU MODIFICACIÓN

1. O presente convenio de colaboración terá carácter retroactivo para os efectos de imputación dos gastos e abranguerá os devengados dende o día **1 de xaneiro ata o 31 de decembro do ano 2016**, sen que en ningún caso sexan subvencionables os gastos devengados con anterioridade á dita data e conservará a súa vixencia ata o día **30 de xuño do ano 2017 sempre e cando exista crédito para tal fin**.
2. Para o caso de que a ASOCIACIÓN EU SON MAZARICOS non poida ter rematadas as ACTIVIDADES E A INVERSIÓN e presentada a xustificación **antes do día 31 de maio de 2017**, deberá solicitar antes desta data, a **prórroga** do prazo inicial, achegando unha solicitude motivada, co fin de que a Deputación poida acreditar a existencia de crédito adecuado e suficiente para o pago que proceda, do importe correctamente xustificado. Acreditada esta circunstancia, a Deputación poderá conceder a prórroga solicitada, que en ningún caso poderá exceder do 31 de outubro do ano seguinte. Con esta data, o convenio quedará definitivamente extinguido, de xeito que a ASOCIACIÓN EU SON MAZARICOS perderá o dereito ao cobro do importe corresponde á contía non xustificada na dita data.
3. Tamén, por acordo expreso de ambas as dúas partes e despois dos informes da Unidade Xestora, do servizo de Patrimonio e Contratación, da Secretaría e da Intervención da Deputación, o convenio poderá ser obxecto de modificación. En ningún caso, se poderá modificar o convenio variando substancialmente o obxecto da subvención concedida e prevista nominativamente por acordo plenario.

XIV.- NATURALEZA, INTERPRETACIÓN, MODIFICACIÓN E XURISDICCIÓN COMPETENTE

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de Subvencións, e na Lei 9/2007, de 13 de xuño, de Subvencións de Galicia. Supletoriamente aplicarase a lexislación de contratos do sector público.
2. Para o seguimento coordinado da execución do presente convenio creárase unha comisión de seguimento formada por dous representantes de cada unha das institucións nomeados polo Presidente da Deputación e o da ASOCIACIÓN EU SON MAZARICOS, respectivamente.

3. Corresponderalle aos órganos da xurisdición contencioso-administrativa, segundo a distribución de competencias disposta na Lei 29/1998, do 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado por Acordo Plenario do 23 de decembro de 2016

E en proba de conformidade, asinan por cuadruplicado exemplar o presente convenio, no lugar e data indicados no encabezamento.

O PRESIDENTE, P.D.
O DEPUTADO DE PROMOCION ECONOMICA
E EMPREGO



Asdo.: José Luis García García

A PRESIDENTA DA ASOCIACION EU SON MAZARICOS



Asdo.: Janet Martínez Danis